

PSP cangkil bakat baharu lumba kereta



Politeknik Seberang Perai (PSP) mengorak langkah ke hadapan untuk menceburi dunia perlumbaan kereta. Langkah ini bertujuan agar memastikan pensyarah dan pelajar mendapat pendedahan dalam bidang perlumbaan dan industri automotif yang semakin maju dan canggih. Selain itu, mereka berpeluang untuk menyertai perlumbaan kereta dan merasai suasana litar sebenar. Penyertaan PSP dalam Perlumbaan Enduro Malaysia Speed Festival (MSF) 2017 di Litar Antarabangsa Formula 1 Sepang pada 9 Julai yang lalu ternyata membawa sinar harapan.

Pengarah Politeknik Seberang Perai ketika ditemui berkata, **“PSP sentiasa memberikan galakan sepenuhnya untuk para pensyarah dan pelajar mengenengahkan bakat dan berani mencuba sesuatu yang baharu. Penyertaan pensyarah dan pelajar dalam perlumbaan Enduro MSF ini akan memberikan impak ke atas PSP malah mengasah bakat baharu dalam industri permotoran kelak.”**

Menurut Pengurus Pasukan PSP, Mohd Azizi Said yang juga pemandu berkata, **“Perlumbaan Enduro MSF ini adalah perlumbaan yang berdurasi 35 minit dan satu pit stop. Ia adalah salah satu pusingan dalam siri perlumbaan tahunan MSF 2017. PSP berlumba dalam kategori Street Tuned dan menggunakan jentera Honda Civic Vtec yang dibangunkan mengikut spesifikasi perlumbaan dan dihasilkan di PSP dengan kerjasama Graffix Shop, F Tuned Racing Suspension, Garage Daz, Liena Racing dan KRT (Kawasan Rukun Tetangga) Pekan Darat.”**

Penyertaan PSP dalam MSF 2017 merupakan platform terbaik untuk mencungkil bakat-bakat baharu dalam dunia permotoran negara. PSP juga sebagai salah sebuah Institusi Pengajian Tinggi Awam berupaya melahirkan para pelajar yang berdaya saing tinggi dan diterima baik oleh industri. Selain itu, PSP akan meneruskan kerjasama dan memperkukuhkan jaringan dengan industri automotif bagi mencipta kejayaan pada masa hadapan.

